

元和唯亭志卷十七

流寓

榻下陳蕃川圖摩詰古賢偶爾棲留遂為山川  
增色吾里襟帶江湖幽閒曠蕩志趣高尚者多  
于是避喧焉志流寓

唐

韋應物洛陽人周道遙公實之後貞元初為蘇州刺  
史與秦系邱丹顧況釋皎然相倡酬郡齋燕集其  
畫戟清香之詞最為當時所稱賞築山莊於吳淞

元和唯亭志

卷十七

流寓

一

江濱常放舟吟詩於此今名其地為吟浦

府志名宦傳參

邑志第宅門。互見第宅古蹟

元

王夢聲字應甫號古川嚴州分水人宋司諫縉之後  
夢聲為咸淳進士授迪功郎秘書省諫閱致仕至  
元復起仕崑山州學正樂其土風遂卜居於唯亭  
開渠築堤手書分水堤三字勒碑堤上示不忘故  
土也今碑基尚存里中瑯琊族皆其後也

府志名宦傳參

瑯琊示譜。互見古蹟

顧德輝字仲英一字阿瑛崑山人曾家於里南顧浦財豪於吳豪宕自許年三十始折節讀書購古書名畫彝鼎秘玩築別業於茜涇西曰玉山佳處與一時名士飲酒賦詩其中河東張翥會稽楊維禎天台柯九思永嘉李孝光方外張伯雨于立良琦輩皆樂與遊才情妙麗爲東道文雅之宗其園池亭榭之盛圖史之富暨餼館聲伎並冠絕一時元至正初以茂才辟爲會稽教授不就又辟貳崑山州事仍辭去後張士誠據吳累辟堅不起隱於嘉

元和唯亭志

卷十七

流寓

二

興之合溪母喪歸削髮廬墓精心釋典頗有得自號金粟道人自題其像曰儒衣僧帽道人鞋到處青山骨可埋若說向時豪俠處五陵鞍馬洛陽街又嘗賦詩寄志云此膝豈因兒輩屈壯心寧受酒杯降卒年六十

明史參崑新合志吳門補乘

明

李模字子木其先太倉人避倭遷居郡城祖志學爲諸生孝友剛方以篤行稱父吳滋萬歷己未進士累官湖廣副使所至有聲卒年八十九模以天啟

乙酉成進士除東莞知縣舉卓異授御史屢上疏  
言事巡按真定諸府與分守中官陳鎮夷相劾奏  
貶南京國子監典籍福王立起爲河南御史時封  
黃得功等爲侯伯謂之四鎮模上言當擁立時陛  
下不以得位爲利諸臣何敢以定策爲名甚至侯  
伯之封輕加鎮將夫諸將事先帝未効桑榆之收  
事陛下未彰汗馬之績案其實亦在戴罪科而予  
之定策其何以安諸將性果忠義必大慰先帝殉  
國之靈而後可膺陛下延世之賞模見時事不可

元和唯亭志

卷十七

流寓

三

爲遂以病歸築別業於龍墩墓傍家焉事父依依  
孺慕當事式廬稀得一見里居二十餘年年八十  
二卒子炳字文中國變後棄諸生絕跡城府隱居

養親

府志

劉永錫字欽爾號騰菴魏縣人少負奇節通象緯兵  
農之學崇禎丙子舉於鄉甲申春知北方將亂欲  
避兵江南就選長洲教諭挈家南下既至日與諸  
生講道德明忠孝之節嘗署崇明縣事三月庭無  
畱獄未幾遭鼎革隱居陽城有大吏遣門下士說

之出永錫袒裼疾視曰我中州男子年二十渡漳河登大伾躍馬鳴鞘兩河豪傑誰不知我乃以此相逼將謂我畏死耶取壁上劔欲自剄其人大駭而去草衣敝屨以葛巾蒙其髮日坐土室中北向涕泣妻子織蒲蕭葦簾以食食不繼時不舉火有遺之粟者非其人弗受有女年及笄未嫁知父義不北歸而舅家相去二千里恐身無所託貽親憂遂絕粒而死妻栗氏哭之慟亦死遭大水乏食家僮十餘人相繼餓死已而遣子臨與婦歸魏臨既

歸假貸得百金亟欲馳獻父中路墮馬死永錫乃嘆曰女死貞妻死慈子死孝天之報我亦厚矣獨居士室中不蔽風雨好爲詩歌音悲壯讀者爲之歛歔甲午秋病劇大呼烈皇帝三而卒弟子徐晟陳三島等葬之於虎邱山塘

陳濟生啟禎  
遺編詩傳

文震亨字啟美文肅公震孟弟能詩工書畫由貢生官中書舍人國變後隱於陽城憂憤發病死

府志

沈欽圻字得與邑諸生工詩明末詩習多宗景陵欽  
圻往復陶杜自據胸臆未嘗求工而自中繩削陸  
起頑太僕謂鍾譚之風流毒天下不能濡染沈生  
大是豪傑之士太僕爲欽圻師不輕許人當時以  
爲篤論國變後寓於陽城村與劉永錫定世外交  
嘗登高邱弔落日相與歌泣永錫曰茫茫宇宙中  
路知己迺在沈君後沈歸故里

邑志劉永錫傳  
別裁集同纂

黃周星字九烟金陵人少育於楚湘周氏亦爲楚人

崇禎十三年成進士又三年授計部主事明年夏

以國變棄家流寓吳越間在吳寓陽城湖濱後更  
名人更字略似號半非又號笑蒼道人生平或笑  
或哭感觸無端遇沈冥放廢之士執手悲歌聲激  
水涯嘗自言身多患難幼時遇魃毒不死丙子公  
車出洞庭遇盜不死丁丑遘寒疾不汗發狂不死  
庚辰京邸觸凶刃不死丙戌避亂閩海復遇盜不  
死浮沈三十餘年年七十仰天嘆曰吾今不可以  
死乎與妻孥訣別慷慨飲醇酒盡數斗竟日夕不  
醒人以爲眞死矣仍不死後泛舟浙東被髮長鬚

自沈水死著述盈百卷今所傳者惟唐詩選驚天  
泣鬼怡人集邑志

國朝

○黃子雲字士龍號野鴻真義貞定先生黃濟季子  
橫涇隱士吳士型壻往還里中四十載每僑寓士  
型家後築吟閣於吳縣嶼村遂家焉子雲數歲即  
解作韻語學於徐畏壘畏壘奇愛之後又學於金  
太史潮詩益雄渾沈著專以少陵為宗康熙五十  
五年開圖書集成館總裁陳夢雷聞子雲名招共

元和唯亭志

卷十七

流寓

六

纂修因渡江得句云一江風浪裏百代是非間為  
夢雷稱賞五十八年隨冊使徐葆光冊封琉球著  
麻力歎等篇與葆光中山傳信錄並行於世乾隆  
元年中丞高晉將舉博學鴻詞物色之子雲堅不  
應姊壻鄒世楠夢孟子廟雨楹大書戰國風趨下  
斯文日再中十字覺而知為子雲詩殆見賞於幽  
冥吳中詩人橫山葉燮後一人而已徐傳詩星湄  
詩話錢士錡  
補乘續  
編同纂  
○沈德潛字確士自號歸愚始居木瀆後徙郡城祖

欽圻諸生父鍾彥累世積德

相傳德潛生於陽城遺址尚存然攷諸年

譜無徵故仍編入流寓

德潛幼赤貧幾廢讀年十七學詩於

吳江葉燮王尚書士禎抵書於燮稱沈生在及門中不止得皮得骨直已得髓自是詩名滿天下康

熙三十三年補長洲學生雍正十二年舉博學鴻詞被斥至乾隆三年始登鄉榜年已六十有六矣明年成進士改庶吉士

上諭張廷和云沈德潛係老名士有詩名

命和消夏十詠稱

元和唯亭志

卷十七

流寓

七

旨四遷至侍讀學士九年陞少詹事典試湖北歸遷正詹事擢禮部侍郎入值

上書房充會試副總裁十四年患噎傳

旨許其歸里朕與之以詩始亦以詩終令其校閱詩稿畢起行歸後

眷益隆

賜詩

命和

命校益密嘗進詩求序

上欣然許之小除夕手書以賜比以李杜高王海峽  
日本琉球諸國走驛券索沈尙書詩集自古詩人  
未嘗有也十六年

南巡

旨諭在籍食原品俸尋加尙書銜復加太子太傅改  
食正一品俸三十四年卒年九十七諡文愨德潛  
詩專主唐音以溫柔爲教如絃匏笙簧皆正聲也  
未釋褐時嘗假寓里中授徒講學

年譜墓志同纂

○沈志祖字學基號毅齋吳縣人工入法探討碑版

元和唯亭志

卷十七

流寓

八

名重於時乾隆乙丑進士官編修恭繕

內廷屏幃文籍甚多充順天考官黜浮崇實文風丕  
振弟慰祖字學周雍正庚戌進士官贊善提督雲  
南學政與兄克敦孝友並以文章名世有雙丁二  
陸之譽並寓里中賦竹齋與沈際昌訂莫逆交

○徐傳詩字韻岑號西亭真義人自少能詩承畏壘  
先生家學淵源又得歸愚沈尙書講論詩法故格  
律渾成步武唐人傳詩幼時讀書陽城後往來里  
中與朱丕成爲詩文友又有欽允恭字梅村亦真



義人工詩善醫來往里中寓上塘史莘野家亦與  
朱丕成訂莫逆交

○石韞玉字執如號琢堂吳縣人乾隆庚戌 恩科  
進士 殿試第一人及第授修撰累官至山東按  
察使歸田後主紫陽講院二十餘年識拔俱知名  
士年八十二卒韞玉係顧鳳梧內親未通籍時嘗  
寓里中與鳳梧並讀書延福寺內

○顧昫

原名國政

字頴箬號竺生崑山人嘉慶戊午舉人

工詩文尤善書探討經籍孜孜不厭嘉慶丁巳來  
元和唯亭志 卷十七 流寓 九  
寓里中授徒講學陶成甚衆與里中士大夫爲二  
十餘年交

○葉鑽字芳春號蘭潭吳江人宋石林先生之後嘉  
慶戊辰舉人應禮部試累薦不售主自小山尙書  
家奇其才器重之詩文豪邁不羈尤長於論古嘗  
寓里中馬氏